



Broj:04-27-13-I/13  
Sarajevo, 12.02.2013. godine

KANTON SARAJEVO  
Vlada Kantona Sarajevo  
Stručna služba Vlade  
Ovdje

PREDMET: Odgovor na poslaničko pitanje

Zastupnik Fazlija Nedžad, na 23. sjednici Skupštine Kantona Sarajevo, održanoj dana 30.01.2013. godine u okviru tačke dnevnog reda "Poslanička pitanja, inicijative i odgovori" postavio je zastupničko pitanje:

*Neki dan smo putem sredstava javnog informisanja mogli vidjeti da u firmi „Centrotrans DC“ d.o.o. Sarajevo postoje određeni problemi pa je morala intervenirati i policija.*

*Molim da mi se odgovori na sljedeća pitanja:*

- *Da li je u navedenoj firmi okončan proces privatizacije, ako jeste da mi se dostavi kompletna dokumentacija o privatizaciji te firme „Centrotrans DC“ d.o.o. Sarajevo;*
- *ako nije završena privatizacija, kada se planira završiti;*
- *ko je vlasnik kapitala i u kojem procentu odnosno da mi se dostavi izvod iz sudskog registra Općinskog suda u Sarajevu;*
- *ko je legalni direktor firme;*
- *da li su kod Kantonalnog tužilaštva pokrenute tužbe oko privatizacije ove firme*

Odgovor:

Komisija kantonalne agencije za privatizaciju donijela je rješenje broj:21-04/3-19-1106-51 od 24.12.2002. godine, a kojim je kao najpovoljnijim ponuđem u privatizaciji Centrotrans DC d.o.o. Sarajevo proglašena ortačka grupa FE AL METALI i Hajrudin Mulić.

Protiv ovog rješenja, Ortačka grupa „Kolinska i 37 lica zastupanih po Zaimović Mirsadi (ustvari radnici Centrotrans DC), su izjavili žalbu, te je Ministarstvo prometa i komunikacija (raniji naziv našeg Ministarstva), svojim rješenjem broj: 04-27-ŽK-380/93 od 11.06.2003. godine odbilo žalbu žalitelja. Nakon toga pokrenu je upravni spor od strane Zaimović M., te Kantonalni sud rješavajući po tužbi donosi presudu pod brojem: U-341/03 od 29.04.2004. godine, a kojim je prvostepeno kao i osporeno rješenje poništeno i predmet vraćen Agenciji za privatizaciju na ponovni postupak

U toku postupka privatizacije Društva „CENTROTRANS DC“ doo Sarajevo Kantonalna agencija za privatizaciju nakon ponovno provedenog postupka vrednovanja ponuda donijela je **Odluku broj: 21-04/3-19-1106-121 dana 23.12.2005. godine, kojom je najpovoljnijom ponudom za prodaju državnog dijela kapitala u iznosu od 3.513.338,00 KM što je 94,18%**



**odnosnog Društva proglasila ponudu Ortačke grupe „FE-AL METALI“ doo Sarajevo i Hajrudin Mulić iz Sarajeva, zastupane po ovlaštenom zastupniku Mulić Hajrudinu iz Sarajeva.** Protiv navedene Odluke trećerangirani ponuđač Ortačka grupa „KOLINSKA“ i 37 fizičkih lica, zastupani po Zaimović Mirsadi iz Sarajeva, podnijeli su Ministarstvu saobraćaja Kantona Sarajevo žalbu koja je Rješenjem broj 04-27-1106-121 S/06 od 15.02.2006.godine odbijena kao neosnovana. Protiv navedenog rješenja Ministarstva saobraćaja, kao drugostepenog organa pokrenut je upravni spor kod Kantonalnog suda u Sarajevu od strane Ortačke grupe „KOLINSKA“ i 37 fizičkih lica, zastupani po Zaimović Mirsadi iz Sarajeva, koji je okončan Presudom broj 009-0-U-000348 dana 19.02.2007. godine kojom se takođe tužba navedenih tužitelja odbija. **Nadalje su Ortačka grupa „KOLINSKA“ i 37 fizičkih lica, zastupani po Zaimović Mirsadi iz Sarajeva podnijeli Vrhovnom sudu Federacije Bosne i Hercegovine zahtjev za vanredno preispitivanje sudske odluke podnesene protiv Presude Kantonalnog suda u Sarajevu broj 009-0-U-000348 dana 19.02.2007. godine, koji zahtjev je Presudom Vrhovnog suda FBiH broj 070-0-Uvp-07-000163 od 26.06.2008.godine odbijen. Nakon toga istoimeni tužitelji podnose Ustavnom sudu Bosne i Hercegovine Apelaciju protiv Presude Vrhovnog suda FBiH broj 070-0-Uvp-07-000163 od 26.06.2008.godine, a koja se odbacuje na sjednici održanoj dana 17.11.2008.godine kao nedopuštena jer je *ratione materiae* inkompatibilna sa Ustavom Bosne i Hercegovine.**

**Iz svega navedenog jasno je da su iscrpljena sva redovna i vanredna pravna sredstva u upravnom postupku, te da je nesporno utvrđeno daje najpovoljnija ponuda ortačke grupe FE-AL- Metali i Hajrudina Mulića.**

U međuvremenu je Kantonalna agencija za privatizaciju Sarajevo donijela Rješenje broj 21-04/3-19-1106-136 dana 01.06.2006.godine, kojim se odobrava upis u sudski registar izvršene privatizacije državnog kapitala u vrijednosti od 3.513.338,00 KM što je 94,18% od ukupnog kapitala Društva „CENTROTRANS DC“ doo Sarajevo, na koje rješenje je Ortačka grupa „KOLINSKA“ i 37 fizičkih lica, zastupani po Zaimović Mirsadi iz Sarajeva uložila žalbu dana 20.06.2006. godine i dopunu žalbe dana 22.06.2006.godine, a po kojoj je Ministarstvo saobraćaja odlučilo kao neosnovanom Rješenjem broj 04-19-5750 S/06 dana 25.07.2006.godine i protiv kojeg je i pokrenut upravni spor kod Kantonalnog suda u Sarajevu dana 05.12.2006.godine. Upravni spor je okončan Presudom Kantonalnog suda u Sarajevu broj 09 0 U 002761 06 U od 06.06.2011.godine kojom se tužba Ortačke grupe „KOLINSKA“ i 37 fizičkih lica, zastupani po Zaimović Mirsadi iz Sarajeva, uvažava, osporeno rješenje tuženog poništava i predmet vraća tuženom (Ministarstvu saobraćaja) na ponovni postupak.

Presudom Kantonalnog suda u Sarajevu broj 09 0 U 002761 06 U od 06.06.2011.godine date su upute ovom organu na koji način će se pravilno utvrditi činjenično stanje i to tako što će se pribaviti: Izvještaj Kantonalne agencije za privatizaciju Sarajevo o provedenoj privatizaciji Društva CENTROTRANS-DC doo Sarajevo od 06.03.2006.god., Zaključak Upravnog odbora Agencije broj 21-01-19-125/06 od 15.05.2006.god., a koji navedeni dokumenti su u međuvremenu dostavljeni od strane Kantonalne Agencije za privatizaciju Sarajevo, te Rješenje Kantonalnog suda u Sarajevu broj 009-0-U-06-000348 od 21.03.2006.god. kojim rješenjem se odbija zahtjev za odlaganje izvršenja Rješenja Ministarstva saobraćaja broj 04-27-1106-121 S/06 od 15.02.2006.godine.

Uvidom u Izvještaj Kantonalne agencije za privatizaciju Sarajevo o provedenoj privatizaciji Društva CENTROTRANS-DC doo Sarajevo od 06.03.2006.godine utvrđeno je da su se stekli uslovi za donošenje Zaključka Upravnog odbora Kantonalne agencije za privatizaciju Sarajevo o provedenom postupku privatizacije preduzeća „CENTROTRANS DC“ doo Sarajevo u cilju izdavanja rješenja o odobrenju upisa u sudski registar izvršene privatizacije. Zaključkom Upravnog odbora Agencije broj 21-01-19-125/06 od 15.05.2006.god. usvojen je navedeni Izvještaj Agencije



web: <http://ms.ks.gov.ba>  
e-mail: [ms@ms.ks.gov.ba](mailto:ms@ms.ks.gov.ba)  
Tel: + 387 (0) 33 562-058, + 387 (0) 33 562-059  
Sarajevo, Reisa Džemaludina Čauševića 1



na osnovu kojeg je i donoseno Rješenje broj 21-04/3-19-1106-136 dana 01.06.2006.godine, kojim se odobrava upis u sudski registar izvršene privatizacije državnog kapitala u vrijednosti od 3.513.338,00 KM što je 94,18% od ukupnog kapitala Društva „CENTROTRANS DC“ doo Sarajevo u skladu sa članom 38. Zakona o privatizaciji (Službene novine FBiH broj 27/97, 8/99, 32/00, 45/00, 61/01, 27/02, 33/02, 28/04, 44/04 i 42/06), koji propisuje da na osnovu izvještaja o provedenom postupku privatizacije agencija donosi rješenje o odobrenju upisa izvršene privatizacije u sudski registar.

Prema takvom činjeničnom i pravnom stanju, u žalbenom postupku utvrđeno je da je prvostepeni postupak pravilno proveden i da je o zahtjevu stranke odlučeno saglasno odredbama člana 38. Zakona o privatizaciji (Službene novine FBiH broj 27/97, 8/99, 32/00, 45/00, 61/01, 27/02, 33/02, 28/04, 44/04 i 42/06), te je Ministarstvo donijelo rješenje pod brojem:04-19-5750/06 od 11.09.2012. godine, a kojim se žalba odbija.

**Protiv ovog rješenja pokrenut je upravni spor od strane Ortačke grupe „Kolinska“, te je nakon dostave prvostepenog spisa od strane Kantonalne agencije za privatizaciju kompletna spis ( prvostepeni i drugostepeni) proslijeđen Kantonalnom sudu na rješavanje.**

Takođe napominjemo da su Ortačka grupa “Kolinska” d.o.o. Sarajevo i 37 fizičkih lica zastupanih po Zaimović Mirsadi podnijeli prijedlog za obnovu postupka okončanog rješenjem Ministarstva broj: 04-27-1106-121 S od 15.02.2006. godine, a kojim je odbijena žalba predlagača obnove izjavljena protiv Odluke Komisije za vrednovanje ponuda – Kantonalne agencije za privatizaciju Sarajevo broj:21-04/3-19-1106-121 od 23.12.2005. godine, a kojom je kao najpovoljnija ponuda za prodaju dijela državnog kapitala u iznosu od 3.513.338,00 KM što je 94,18% od ukupnog kapitala preduzeća “Centrotrans -DC” d.o.o. Sarajevo, ul. Velikih drveta, proglašena ponuda Ortačke grupe “FE-AL-Metali” d.o.o. Sarajevo i Hajrudin Mulić iz Sarajeva.

Kao razlog za obnovu ističe se da je rješenje Ministarstva pod brojem: 04-27-1106-121 S od 15.02.2006. godine, a kojim je odbijena žalba predlagača obnove potpisano od strane pomoćnice ministra u Sektoru prometa, a koja prema saznanjima predlagača obnove, nije bila ovlaštena za potpisivanje rješenja, od strane ministrice prometa i komunikacija Kantona Sarajevo i protiv koje je ova ortačka grupa podnijela krivičnu prijavu.

Dana, 28.02.2012. godine, na zahtjev sudskog vještaka grafologa Mitra Tešića, angažovanog os strane tužilaštva, data su na uvid rješenja koja je u tom periodu potpisala pomoćnica ministrice, a u cilju utvrđivanja postojanja krivičnog djela neovlaštenog potpisivanja rješenja od strane imenovane. Obnova predmetnog postupka temelji se na odredbama člana 246. stav 7. ZUP-a kojim je propisano da će se postupak okončan rješenjem ili zaključkom protiv kojeg nema redovnog pravnog sredstva u upravnom postupku obnoviti ako je rješenje donijela službena osoba nadležnog organa koja nije bila ovlaštena za njegovo donošenje.

Imajući u vidu da se u Ministarstvu nalaze rješenja kojim se imenovanoj daje ovlaštenje za potpisivanje u odsustvu ministrice ( u tom periodu), da ministarstvo nije ovlašteno da vrši vještačenje potpisa jer je to u nadležnosti drugih organa, a da do danas nismo dobili informacije od strane tužilaštva u pogledu postojanja krivičnog djela neovlaštenog potpisivanja od strane pomenute, to nismo u mogućnosti odlučiti o obnovi predmetnog postupka, sve dok nadležni organi ne odluče o tome da li je učinjeno krivično djelo, a što bi bio razlog za obnovu postupka.

Napominjemo da smo se obratili Kantonalnom tužilaštvu sa molbom da nam dostavi podatke o toku postupka protiv imenovane, kako bi pokončali postupak obnove pokrenut u ovom Ministarstvu.

**Nesporno je da je pravomoćnom Odlukom Kantonalne agencije za privatizaciju kao najpovoljnija ponuda proglašena ponuda ortačke grupe FE-AL- Metali i Hajrudina Mulića, u postupku privatizacije preduzeća „Centrotrans DC“ d.o.o. Sarajevo, međutim takođe je**



web: <http://ms.ks.gov.ba>  
e-mail: [ms@ms.ks.gov.ba](mailto:ms@ms.ks.gov.ba)  
Tel: + 387 (0) 33 562-058, + 387 (0) 33 562-059  
Sarajevo, Reisa Džemaludina Čauševića 1



**nesporno da nije izvršen upis kapitala, na osnovu rješenja Agencije, a koji akt je pravni osnov za upis kapitala koji je predmet kupoprodaje.**

**Obzirom da je protiv rješenja Ministarstva (kojim se odbija žalba izjavljena na rješenje Agencije za privatizaciju kojim se dozvoljava upis kapitala) pokrenut upravni spor, to je kompletan spis dostavljen Kantonalnom sudu na nadležno rješavanje iz kojeg razloga nismo u mogućnosti isti spis dostaviti uvaženom zatupniku.**

**S poštovanjem.**

Dostaviti:

1. Naslovu
2. Stručna služba Vlade, ovdje
3. Evidenciji
4. 3.Arhivi

**M I N I S T A R**

Jusuf Bubica



web: <http://ms.ks.gov.ba>  
e-mail: [ms@ms.ks.gov.ba](mailto:ms@ms.ks.gov.ba)  
Tel: + 387 (0) 33 562-058, + 387 (0) 33 562-059  
Sarajevo, Reisa Džemaludina Čauševića 1

